

Na osnovu člana 16. stav 4. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj: 7/10 i 3/23), člana 22. stav (2) Zakona o finansijskoj konsolidaciji i/ili restrukturiranju javnih zdravstvenih ustanova u Federaciji Bosne i Hercegovine („Službene novine Federacije Bosne i Hercegovine“, broj: 34/22 i 77/22) i člana 13. stav (1) Pravilnika o sadržaju i formi kvartalnih izvještaja o realizaciji programa finansijske konsolidacije i/ili restrukturiranja („Službene novine Federacije Bosne i Hercegovine“, broj: 101/22), na prijedlog Ministarstva zdravstva, Vlada Zeničko-dobojskog kantona na 67. sjednici održanoj 14.02.2025. godine, d o n o s i

ZAKLJUČAK

o usvajanju Kvartalnog izvještaja o realizaciji Programa finansijske konsolidacije i restrukturiranja JU Kantonalna bolnica Zenica i namjenskom utrošku sredstava doznačenih iz Budžeta Federacije Bosne i Hercegovine za period 01.10. - 31.12.2024. godine

I.

Usvaja se Kvartalni izvještaj o realizaciji Programa finansijske konsolidacije i restrukturiranja JU Kantonalna bolnica Zenica i namjenskom utrošku sredstava doznačenih iz Budžeta Federacije Bosne i Hercegovine za period 01.10.- 31.12.2024. godine broj:01-11-47/25, koji je usvojen Odlukom Upravnog odbora JU Kantonalna bolnica Zenica broj: 00-1-02-02/25 od 30.01.2025. godine.

II.

Kvartalni izvještaj o realizaciji Programa finansijske konsolidacije i restrukturiranja JU Kantonalna bolnica Zenica i namjenskom utrošku sredstava doznačenih iz Budžeta Federacije bosne i Hercegovine za period 01.10.- 31.12.2024. godine broj:01-11-47/25 i Odluka Upravnog odbora JU Kantonalna bolnica Zenica broj: 00-1-02-02/25 od 30.01.2025. godine iz tačke I ovog zaključka, čine sastavni dio ovog zaključka.

III.

Zadužuje se JU Kantonalna bolnica Zenica da ovaj zaključak dostavi Federalnom ministarstvu zdravstva najkasnije u roku 15 dana od dana donošenja ovog zaključka.

IV.

Ovaj zaključak stupa na snagu danom donošenja i biti će objavljen u „Službenim novinama Zeničko-dobojskog kantona“.

Broj: 02-11-2746/25


Datum, 14.02.2025. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x Federalno ministarstvo zdravstva, putem JU Kantonalna bolnica Zenica,
1x „Službene novine Zeničko-dobojskog kantona“,
1x a/a.



JU KANTONALNA BOLNICA ZENICA

UPRAVNI ODBOR

Adresa: Crkvice 67, 72000 Zenica, Bosna i Hercegovina Direktor: 032 447 010

Centrala: 032 447 000; fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 00-1- 02-02 / 25

Zenica, 30.1.2025. godine

Na osnovu člana 46. Statuta Kantonalne bolnice Zenica (prečišćen tekst) broj: 20/1-1-8331 od 31.07.2018. godine, Odluke o dopunama Statuta JU Kantonalna bolnica Zenica, broj: 20/1-1-6167 od 25.06.2019. godine, Odluke o izmjenama i dopunama Statuta, broj: 00-1-02-1491/20 od 29.09.2020. godine, Odluke o izmjeni Statuta broj 00-1-02-14/24 od 25.1.2024.godine, na osnovu člana 22. stav (2) Zakona o finansijskoj konsolidaciji i restrukturiranju javnih zdravstvenih ustanova u F BiH ("Službene novine F BiH", broj: 34/22) i člana 13. Pravilnika o sadržaju i formi kvartalnih izvještaja o realizaciji Programa finansijske konsolidacije i/ili restrukturiranja ("Službene novine F BiH", broj: 101/22), Upravni odbor JU Kantonalna bolnica Zenica na 14. redovnoj sjednici, održanoj dana 30.1.2025. godine, donosi slijedeću:

O D L U K U

I

Usvaja se Kvartalni izvještaj o realizaciji Programa finansijske konsolidacije i/ili restrukturiranja i namjenskom utrošku sredstava doznačenih iz Budžeta F BiH za period 01.10.-31.12.2024. godine.

II

Sastavni dio ove Odluke je Kvartalni izvještaj o realizaciji Programa finansijske konsolidacije i/ili restrukturiranja i namjenskom utrošku sredstava doznačenih iz Budžeta FBiH za period 01.10.-31.12.2024. godine, broj: 01-11-47/25 od 22.1.2025. godine.

III

Ova odluka stupa na snagu danom donošenja.

P R E D S J E D N I K

Elmir Mustabašić, dipl.iur.

Dostaviti:

1x Komisija;

1x Direktor;

1x Upravni odbor;

1x Sektor za EFP;

1x Sektor za pravne poslove;

3x Ministarstvo zdravstva ZDK -a;

1x Federalno ministarstvo zdravstva i

1x a/a.

Žiro račun: 134-010-00000138-94 kod ASA Bank e d.d. Sarajevo

Devizni račun: ASA Banka d.d. Sarajevo-501012-00-701-0000013.9, SWIFT:IKBZBA2X, IBAN:BA391340071300013958

**KVARTALNI IZVJEŠTAJ O RELIZACIJI PROGRAMA FINANSIJSKE
KONSOLIDACIJE I/ILI RESTRUKTURIRANJA I NAMJENSKOM UTROŠKU
SREDSTAVA DOZNAČENIH IZ BUDŽETA FEDERACIJE BOSNE I
HERCEGOVINE**

Odjeljak A

**RELIZACIJA PROGRAMA FINANSIJSKE KONSOLIDACIJE
I/ILI RESTRUKTURIRANJA I NAMJENSKOM UTROŠKU SREDSTAVA
DOZNAČENIH IZ BUDŽETA FEDERACIJE BOSNE I HERCEGOVINE**

1. Uvod

- Naziv zdravstvene ustanove: JU KANTONALNA BOLNICA ZENICA
- Period izvještavanja: 01.10.2024.-31.12.2024. godine

**2. Opis provedenih aktivnosti u izvještajnom periodu za postizanje cilja i svrhe
provođenja finansijske konsolidacije i /ili restrukturiranja i sanacije gubitaka,
perspektive i razvoja**

Programom finansijske konsolidacije i restrukturiranja JU Kantonalna bolnica Zenica, koji je odobren Odlukom Vlade Zeničko-dobojskog kantona broj: 02-11-17443/22 od 24.11.2022. godine, bili su predviđeni radovi na adaptaciji/rekonstrukciji postojećih objekata u krugu Bolnice, koje nije bilo moguće realizovati iz razloga što smo dana 10.01.2024. godine dobili Presudu Vrhovnog suda Federacije BiH kojom su nekretnine u krugu JU Kantonalna bolnica Zenica pripale Gradu Zenica.

Iz tog razloga se pristupilo izradi Programa o izmjenama i dopunama Programa finansijske konsolidacije i restrukturiranja JU Kantonalna bolnica Zenica. Vlada Zeničko-dobojskog kantona je na sjednici održanoj 20.09.2024. godine donijela Odluku broj: 02-11-16077/24, kojom je odobrila Program o izmjenama i dopunama Programa finansijske konsolidacije i restrukturiranja JU Kantonalna bolnica Zenica.

Do 31.12.2024. godine okončane su sve procedure nabavke stalnih sredstava čije finansiranje je predviđeno iz sredstava Vlade FBiH za 2022. godinu.

U narednoj tabeli je prikaz sredstava Vlade FBiH za 2022. godinu:

PLAN	DOZNAČENO	UTROŠENO	OSTATAK
7.666.667,00 KM	7.666.667,00 KM	7.651.937,00 KM	14.730,00 KM

Ostatak od 14.730,00 KM odnosi na razliku između potpisanih ugovora i procjenjene vrijednosti nabavljene opreme.

U narednoj tabeli je prikaz sredstava Vlade FBiH za 2023. godinu:

PLAN	DOZNAČENO	UTROŠENO	OSTATAK
7.666.667,00 KM	7.666.667,00 KM	3.169.161,00 KM	4.497.506,00 KM

Kada su u pitanju aktivnosti na restrukturiranju koje su planirane iz sredstava za 2023. godinu utrošena sredstva u iznosu 3.169.161,00 KM odnose se na plaćanje druge rate za nabavku prvog Linearnog akceleratora u iznosu 2.510.205,00 KM i nabavku hirurškog instrumentarija u iznosu 658.956,00 KM.

Neutrošena sredstva u iznosu 4.497.506,00 KM odnose se na:

- nabavku drugog Linearnog akceleratora za koji je iz sredstava Vlade FBiH za 2023. godinu predviđeno 2.039.798,00 KM,
- nabavku opreme za brahiterapiju u iznosu 1.900.000,00 KM,
- nabavku aparata za razbijanje kamenca u bubregu i mokraćovodu u iznosu 409.500,00 KM,
- UZV aparat u iznosu 112.957,00 KM
- nabavku hirurškog instrumentarija u iznosu 35.251,00 KM,

U narednoj tabeli je prikaz sredstava Vlade FBiH za 2024. godinu:

PLAN	DOZNAČENO	UTROŠENO	OSTATAK
7.666.667,00 KM	3.833.333,50KM	3.185.693,00 KM	647.640,50 KM

Kada su u pitanju sredstva za 2024. godinu do 31.12.2024. godine Vlada FBiH je doznačila sredstva u iznosu 3.833.333,50 KM, od čega je 2.510.205,00 KM utrošeno za isplatu posljednje rate za nabavku prvog Linearnog akceleratora, 675.488,00 KM za nabavku neurohirurške navigacije, dok su ostale aktivnosti, čije finansiranje je predviđeno iz sredstava za 2024. godinu, još uvijek u toku.

Ostatak sredstava za 2024. godinu u iznosu 3.833.333,50 KM doznačen je 08.01.2025. godine.

3.Realizacija Programa utroška sredstava sa mjerama i aktivnostima finansijske konsolidacije i/ili restrukturiranja

3.1. Mjera - izmirenje dospjelih obveza

		Iznos u KM		
		Plan za tekuću godinu	Izmireno u prethodnim izvještajnim periodima tekuće godine	Izmireno u izvještajnom periodu
Ukupno obveze:				
od čega	Obveze za doprinose za MIO/PIO iz i na plaće			
	Obveze za doprinose za osnovno zdravstveno osiguranje iz i na plaće			
	Obveze za doprinose za osiguranje u slučaju neuposlenosti			
	Obveze za poreze i druge javne prihode, isključujući PDV			

Napomena: Dostaviti liste plaćenih faktura po dobavljačima, pojedinačno za svaku od kategorija (lijekovi, potrošni materijal, struja, voda, ishrana, i dr.)

Realizirane aktivnosti u okviru realizacije mjere:

U okviru ove mjere nije bilo aktivnosti u izvještajnom periodu iz razloga što su sredstva predviđena za ovu mjeru utrošena u 2022. godini, kada su iz sredstava opredjeljenih za finansijsku konsolidaciju izmirene dospjele obaveze u iznosu 2.354.851,96 KM.

Efekat provođenja mjere:

Dospjele obaveze su smanjenje za navedenih iznos, čime se značajno doprinijelo likvidnosti i smanjenju ukupnih obaveza prema dobavljačima. Sve to se odrazilo na uredno snabdijevanje lijekovima i ostalim potrošnim materijalom, što je omogućilo normalno funkcionisanje Ustanove. Osim toga prestali su teći rokovi za obračun zateznih kamata na izmireni dug.

Indikator za praćenje*		Bazna godina 2021.	Na kraju izvještajnog perioda		
	Ostali dobavljači	Stepen izmirenja dospelih obaveza sa 31.12.2021. godine, a koje su predmet finansijske konsolidacije i restrukturiranja	-	100%	
		Dobavljači za potrošni materijal			
		Dobavljači (struja, voda, ishrana i sl.)			
		Ostali dobavljači			
		Obveze prema uposlenima za neto plaće			

*Indikator za praćenje definiran u Programu finansijske konsolidacije i/ili restrukturiranja

3.2. Mjere operativnog restrukturiranja

Realizirane aktivnosti za racionalizaciju korištenja postojećih resursa:

U Programu finansijske konsolidacije i restrukturiranja JU Kantonalna bolnica Zenica, u sklopu operativnog restrukturiranja planirana su sredstva od Vlade Zeničko-dobojskog kantona u ukupnom iznosu 6.000.000,00 KM, od čega se 3.000.000,00 KM odnosi na 2024. godinu. Radi se o sredstvima za sufinansiranje troškova plaća i ostalih primanja doktora medicine na specijalizaciji i subspecijalizaciji.

U izvještajnom periodu po ovom osnovu su iz Budžeta Zeničko-dobojskog kantona doznačena sredstva u iznosu 750.000,00 KM, a ukupno doznačena sredstva u 2024. godini iznose 3.000.000,00 KM.

Bolnica je sa 31.12.2024. godine imala 60 doktora na specijalizaciji i 12 doktora na subspecijalizaciji.

Efekat provođenja mjere (finansijski i nefinansijski):

Edukacijom medicinskog kadra, kroz specijalizacije i subspecijalizacije omogućava se povećanje kvaliteta i efikasnosti u pružanju zdravstvenih usluga. Osim toga, očekujemo smanjenje slanja

pacijenata u kliničke centre, što bi trebalo dovesti do smanjenja odliva sredstava van Kantona i time doprinijeti finansijskoj konsolidaciji Ustanove.

Iznos finansijskih sredstava (KM)

	Iznos u KM		
	Plan za tekuću godinu	Izmireno u prethodnim izvještajnim periodima tekuće godine	Izmireno u izvještajnom periodu
Sredstva iz Budžeta FBiH	-	-	-
Sredstva iz drugih izvora	3.000.000,00	2.000.000,00	750.000,00
Ukupno	3.000.000,00	2.000.000,00	750.000,00

Zadnja rata za 2024. godinu u iznosu 250.000,00 KM uplaćena 06.01.2025. godine.

Indikator za praćenje	Bazna godina	Na kraju izvještajnog perioda
Broj doktora na specijalizaciji/subspecijalizaciji	82	72

3.3. Mjere restrukturiranja

Opis poduzetih aktivnosti na realizaciji mjere restrukturiranja u izvještajnom periodu:

Sve aktivnosti vezane za nabavku opreme čije finansiranje je predviđeno iz sredstava za 2022. godinu su okončane zaključno sa 31.12.2024. godine. Ostatak sredstava u iznosu 14.730,00 KM odnosi na razliku između potpisanih ugovora i procjenjene vrijednosti nabavljene opreme.

Od aktivnosti čije finansiranje je predviđeno iz sredstava za 2023. godinu u toku su procedure nabavke drugog Linearnog akceleratora, opreme za brahiterapiju, opreme za razbijanje kamenca i UZ aparata, dok je u izvještajnom periodu izvršeno plaćanje većeg dijela hirurškog instrumentarija u iznosu 658.956,00 KM.

U izvještajnom periodu izvršeno je plaćanje opreme za neurohiruršku navigaciju, čije finansiranje je predviđeno iz sredstava za 2024. godinu.

Kašnjenje u realizaciji nabavki iz sredstava za 2023. i 2024. godinu posljedica je preraspodjele sredstava, zbog čega je i rađen Program o izmjenama i dopunama Programa finansijske konsolidacije i restrukturiranja JU Kantonalna bolnica Zenica

3.3.1. Aktivnosti za proširenje postojećih kapaciteta (prostor, oprema, kadar)

1. Oprema za radioterapiju:

- Linearni akcelerator (2 kom):

Nabavka prvog Linearnog akceleratora u iznosu od 5.573.000,00 KM bez PDV-a, odnosno 6.520.410,00 KM sa PDV-om okončana je u 2022. godini, kada je plaćena i prva rata u iznosu

1.500.000,00 KM. Druga rata u iznosu 2.510.205,00 KM plaćena je u 2023. godini, dok je treća rata u iznosu 2.510.205,00 KM izmirena 29.07.2024. godine.

Dana 11.10.2024. godine usvojena je izmjena Plana javnih nabavki za 2024. godinu čime su se stekli uvjeti za raspisivanje tendera za nabavku drugog Linearnog akceleratora procijenjene vrijednosti 6.520.000,00 KM sa PDV-om. Ova nabavka će biti finansirana iz doznačenih sredstava za 2023. godinu (2.039.798,00 KM) i sredstava za 2024. godinu (4.480.202,00 KM). Ukoliko ne bude žalbi očekujemo da će se procedura nabavke ove opreme okončati u prvom kvartalu 2025. godine.

- CT simulator:

Procedura javne nabavke CT simulatora je okončana i 18.06.2024. godine je zaključen ugovor u iznosu 1.099.000,00 KM bez PDV-a, odnosno 1.285.830,00 KM sa PDV-om. Oprema je isporučena, a faktura je plaćena iz sredstava za 2022. godinu dana 04.11.2024. godine.

2. Oprema za operacionu salu:

- U 2022. godini pokrenuta je procedura nabavke tri operaciona stola i tri lampe za operacione sale. Izvršena je ispruka navedene opreme u ukupnoj vrijednosti 398.673,00 KM, od čega se 298.350,00 KM odnosi na operacione stolove, a 99.333,00 KM na operacione lampe. Obaveze prema dobavljačima su izmirene iz sredstava za 2022. godinu.
- Tender za nabavku hirurškog instrumentarija je, zbog žalbi potencijalnih ponuđača, nekoliko puta ponavlján. Nakon okončanja tenderske procedure potpisana su četiri ugovora o nabavci ukupne vrijednosti 694.207,00 KM sa PDV-om. Većina instrumentarija je isporučena i plaćene su fakture u iznosu 658.956,00 KM. Ova nabavka je finansirana iz sredstava Vlade FBiH za 2023. godinu.

3. Oprema za koronarnu jedinicu

- U 2022. godini pokrenuta je procedura nabavke opreme za Koronarnu jedinicu, a ugovori su potpisani u prvom kvartalu 2023. godine. Isporučena je sva oprema i ukupna vrijednost ove nabavke iznosi 343.079,00 KM sa PDV-om. Obaveze prema dobavljačima su izmirene iz sredstava za 2022. godinu.

4. Sanitetsko vozilo:

- Ugovor za nabavku sanitetskog vozila u iznosu 99.000,00 KM sa PDV-om potpisan je u februaru 2023. godine, a isporuka istog izvršena je u maju 2023. godine. Obaveze po ovom ugovoru su izmirene iz sredstava za 2022. godinu.

5. Ultrazvučni aparat:

- Nabavka ultrazvučnog aparata u iznosu 112.957,00 KM predviđena je iz sredstava Vlade FBiH za 2023. godinu. Nakon usvajanja izmjena Plana javnih nabavki za 2024. godinu završene su aktivnosti na pripremi tenderske dokumentacije, nakon čega je raspisivanje tendera za nabavku ove opreme. Uložena je žalba potencijalnog ponuđača i predmet se trenutno nalazi na Uredu za razmatranje žalbi.

6. Oprema za razbijanje kamenca u bubregu i mokraćovodu:

- Provedena je procedura nabavke i zaključen ugovor o nabavci i održavanju opreme u iznosu 409.500,00 KM sa PDV-om. Dio isporučene opreme nije zadovoljio tražene karakteristike zbog čega je ugovor u tom dijelu raskinut. U toku su aktivnosti na pripremi tenderske dokumentacije za raspisivanje tendera za nabavku ove opreme. Finansiranje nabavke ove opreme je predviđeno iz sredstava Vlade FBiH za 2023. godinu.

Dinamika realizacije:

Stavka 1: Nakon isporuke prvog Linearnog akceleratora izvršeno je komisioniranje sistema za planiranje prema uputama proizvođača, nakon čega je urađeno komisioniranje prema Aneksu 4. Pravilnika o zaštiti jonizirajućeg zračenja kod medicinske ekspozicije (Službeni glasnik BiH" broj 13/11). Puštanje aparata u rad izvršeno je u julu 2023. godine. Avans u iznosu 1.500.000,00 KM uplaćen je krajem 2022. godine, a druga rata u iznosu 2.510.205,00 KM izmirena je u 2023. godini. Isti iznos je uplaćen u 2024. godini te su izmirene sve obaveze za nabavku prvog Linearnog akceleratora.

Kada je u pitanju nabavka drugog Linearnog akceleratora donesena je Odluka o izmjeni Plana javnih nabavki za 2024. godinu čime su se stekli uslovi za raspisivanje tendera. Očekuje se okončanje postupka nabavke u prvom kvartalu 2025. godini, pod uslovom da ne bude žalbi potencijalnih ponuđača.

Nabavka CT simulatora nije išla planiranom dinamikom iz razloga što je, nakon žalbi potencijalnih ponuđača, Ured za razmatranje žalbi u dva navrata poništio postupak nabavke. Nakon toga je pokrenuta nova procedura nabavke koja je okončana potpisivanjem ugovora o nabavci u junu 2024. godine, nakon čega je izvršena isporuka aparata. Obaveze za nabavku ovog aparata su izvršene u izvještajnom periodu.

Stavka 2: Isporučena su tri operaciona stola i tri operacione lampe ukupne vrijednosti 398.673,00 KM. Zbog žalbe na Odluku o izboru u provobitnom postupku nabavke, ponovljen je postupak nabavke hirurškog instrumentarija. U ponovljenom postupku nabavka je uspješno okončana, potpisani ugovori sa izabranim ponuđačima, a instrumentarij u vrijednosti 658.956,00 KM je ispručen i plaćen.

Stavka 3: U ranijem periodu isporučena je kompletna oprema za koronarnu jedinicu u iznosu 343.079,00 KM, nakon čega je ista stavljena u funkciju.

Stavka 4: U ranijem periodu izvršena je isporuka sanitetskog vozila od strane dobavljača, nakon čega je isto stavljeno u funkciju i trenutno je u upotrebi.

Stavka 5: Raspisan je tender za nabavku, nakon čega dostavljena žalba od potencijalnog ponuđača. Predmet se trenutno nalazi na Uredu za razmatranje žalbi.

Stavka 6: Dio opreme je isporučen, a za dio opreme su u toku aktivnosti na pripremi tenderske dokumentacije za ponovljenu proceduru nabavke.

Rok za realizaciju:

Prvobitno je bilo predviđeno da se realizacija svih mjera okonča do 31.12.2024. godine. Obzirom na okolnosti koje su dešavale u prethodnom periodu, te izmjenu Programa, trenutno nije moguće procijeniti krajnji rok za realizaciju svih mjera.

Efekat provođenja mjere (finansijski i nefinansijski):

- Nabavka opreme za radioterapiju predstavlja obezbjeđenje kontinuiteta pružanja usluga radioterapije kao i poboljšanje sigurnosti i kvaliteta usluga. Postoji i finansijska opravdanost pružanja ovih usluga jer se iste finansiraju iz Federalnog fonda solidarnosti i predstavljaju finansijske prihode Bolnici. Pored toga pružamo i dio usluga radioterapije za Srednjobosanski kanton. Ukupni prihodi Bolnici od radioterapije su blizu 1.000.000,00 KM na godišnjem nivou. Nakon puštanja u rad Linearnog akceleratora obratit ćemo se Zavodu zdravstvenog osiguranja i reosiguranja FBiH sa zahtjevom za aneksiranje postojećeg ugovora, odnosno povećanje sredstava za usluge radioterapije za JU Kantonalna bolnica Zenica.
- Nabavkom ostale opreme povećat će se kvalitet pružanja zdravstvenih usluga osiguranicima Zeničko-dobojskog kantona, osiguranicima drugih kantona, kao i neosiguranim licima kojima se pružaju usluge u JU Kantonalna bolnica Zenica.

Iznos finansijskih sredstava (KM)

	Iznos u l	
	Plan za tekuću godinu	Izmireno u pre izvještajnim peri tekuće godin
Sredstva iz Budžeta FBiH	7.003.586,00	2.60
Sredstva iz drugih izvora	-	
Ukupno	7.003.586,00	2.60

Indikator za praćenje	Bazna godina	N
Procenat realizacije	-	

Dakle, u izvještajnom periodu izmirene su obaveze u iznosu 1.944.786,00 KM, od čega se 1.285.830,00 KM odnosi na CT aparat koji je finansiran iz sredstava za 2022. godinu, dok se 658.956,00 KM odnosi na hirurški instrumentarij koji je finansiran iz sredstava za 2023. godinu. Kada su u pitanju izmirene obaveze u prethodnim izvještajnim periodima 2.510.205,00 KM odnosi se na na posljednju ratu za nabavku prvog Linearnog akceleratora, čije plaćanje je izvršeno iz sredstava za 2024. godinu, dok se 99.333,00 KM odnosi na aktivnosti vezane za proširenje postojećih kapaciteta iz sredstava za 2022. godinu.

3.3.2. Aktivnosti za uvođenje novih tehnologija i zdravstvenih usluga

1. C-luk:

U decembru 2022. godine pokrenuta je procedura nabavke C-luka. Potpisan je ugovor o nabavci u vrijednosti 152.100,00 KM sa PDV-om i izvršena je isporuka navedne opreme. Izmirenje obaveza za nabavku ovog aparata vršeno je iz doznačenih sredstva za 2022. godinu.

2. Neuronavigacija

Okončana je procedura nabavke neurohirurške navigacije i oprema je isporučena. Faktura je plaćena u izvještajnom periodu a finansiranje je predviđeno iz sredstava za 2024. godinu.

3. Endoskopska oprema

U decembru 2022. godine pokrenuta je procedura nabavke endoskopske opreme za čitavu Bolnicu (Za hirurške odjele: ginekologije, hirurgije, urologije, ORL, ERCP kabinet kao i kabinete gastroenterologije i bronhoskopije). Potpisani su ugovori o nabavci i izvršena isporuka opreme u vrijednosti 1.426.569,00 KM sa PDV-om. Finansiranje ove opreme planirano je iz doznačenih sredstva za 2022. godinu. U ranijem periodu su izmirene sve obaveze po ovom osnovu.

4. Računarska oprema za Odjel radiološke dijagnostike

U decembru 2022. godine pokrenuta je procedura nabavke računarske opreme za Odjel radiološke dijagnostike. Potpisan je ugovor o nabavci i izvršena isporuka navedene opreme u vrijednosti 93.600,00 KM. Plaćanje fakture za nabavku ove opreme izvršeno je iz doznačenih sredstva za 2022. godinu.

5. Oprema za brahiterapiju

Nakon usvajanja izmjena Plana javnih nabavki u toku su aktivnosti na pripremi tenderske dokumentacije. Tender je raspisan a okončanje postupka nabavke se očekuje u prvom kvartalu 2025. godine. Finansiranje je predviđeno iz sredstava Vlade FBiH za 2023. godinu.

Dinamika realizacije:

Izvršena je isporuka kompletne opreme pod stavkama 1, 2, 3 i 4. Za stavku 5 je raspisan tender, te ukoliko ne bude žalbi, okončanje postupka nabavke očekujemo u prvom kvartalu 2025. godine.

Rok za realizaciju:

Prvobitno je bilo predviđeno da se realizacija svih mjera okonča do 31.12.2024. godine. Obzirom na okolnosti koje su dešavale u prethodnom periodu, te izmjenu Programa, trenutno nije moguće procijeniti krajnji rok za realizaciju svih mjera.

Efekat provođenja mjere (finansijski i nefinansijski):

Uvođenje novih tehnologija i zdravstvenih usluga i poboljšanje sigurnosti i kvaliteta usluga. Uvođenje novih usluga će omogućiti povećanje prihoda po tom osnovu, jer pacijetni sa područja Ze-Do kantona neće morati odlaziti u druge zdravstvene ustanove radi pružanja ovih usluga.

Iznos finansijskih sredstava (KM)

	Iznos	
	Plan za tekuću godinu	Izmire prethodnim izvještajnim periodima tekuće godine
Sredstva iz Budžeta FBiH	676.260,00	
Sredstva iz drugih izvora	-	
Ukupno	676.260,00	

Indikator za praćenje	Bazna godina	Naziv
Procenat realizacije	-	

Dakle, u izvještajnom periodu je isplaćeno 675.488,00 KM iz sredstava finansijske konsolidacije i restrukturiranja za aktivnosti vezane za uvođenje novih tehnologija i zdravstvenih usluga što se odnosi na opremu za neurohiruršku navigaciju. U prethodnim izvještajnim periodima tekuće godine je izmireno ukupno 50.089,29 KM obaveza koje se odnose na aktivnosti vezane za uvođenje novih tehnologija i zdravstvenih usluga, a kompletan iznos odnosi se na potrošnju sredstava iz 2022. godine.

Odjeljak B

KVARTALNI IZVJEŠTAJ O TEKUĆEM POSLOVANJU

1.Uvod

- Naziv zdravstvene ustanove: JU KANTONALNA BOLNICA ZENICA
- Period izvještavanja: 01.10.2024.-31.12.2024. godine

2. Stanje obveza

Vrsta obveza	Stanje na dan 31.12.2023. (obveze koje nisu predmetom finansijske konsolidacije)*	Iznos obveza stvoren od 01.01.2024. do zadnjeg dana kvartala za koji se izvještava**	Iznos izmirenih tekućih obveza od 01.01.2024. do zadnjeg dana kvartala za koji se izvještava***
1. dobavljači za lijekove	778.410,20	5.963.968,44	5.840.419,27
2. dobavljači za potrošni materijal	1.136.362,46	8.355.425,09	7.858.236,34
3. dobavljači (struja, voda, ishrana i si.)	389.964,57	4.174.600,48	4.115.089,78
4. Ostali dobavljači	3.265.131,34	11.158.987,56	13.746.064,12
5. Obveze za poreze i doprinose	2.153.648,95	29.461.308,32	28.822.686,28
6. Obveze na neto plaće	2.913.665,92	39.896.438,43	39.036.488,36

* Za 2023.godinu iskazati podatke iz Bruto bilance na dan 31.12. a koji nisu predmetom finansijske konsolidacije.

** iznos obveza stvoren od 01.01 .tekuće godine u kojoj se izvještava

*** iznos obveza koji je izmiren u periodu od 01.01. tekuće godine za koju se izvještava pa do kraja izvještajnog perioda (ne uzimajući u obzir izmirenje obveza koje su predmet finansijske konsolidacije)

Obveze prema dobavljačima na zadnji dan izvještajnog perioda (ukupno)		nedospjele obveze (u valuti)	dospjele obveze			Ukupno
			do 60 dana	od 60-90 dana	preko 90 dana	
		3.663.040,63	0,00	0,00	0,00	3.663.040,63
Od čega:	dobavljači za lijekove	901.959,37	0,00	0,00	0,00	901.959,37
	dobavljači za potrošni materijal	1.633.551,21	0,00	0,00	0,00	1.633.551,21
	dobavljači (struja, voda, ishrana i si.)	449.475,27	0,00	0,00	0,00	449.475,27
	Ostali dobavljači	678.054,78	0,00	0,00	0,00	678.054,78

3. Ročnost obveza

Obveze za poreze i doprinose na zadnji dan izvještajnog perioda (ukupno)	nedospjele obveze (obveze iz prethodnog mjeseca)	dospjele obveze			Ukupno
		do 60 dana	od 60-90 dana	preko 90 dana	
	2.792.270,99				2.792.270,99

Obveze za neto plaće na zadnji dan izvještajnog perioda (ukupno)	nedospjele obveze (obveze iz prethodnog mjeseca)	dospjele obveze			Ukupno
		do 60 dana	od 60-90 dana	preko 90 dana	

	3.773.615,99				3.773.615,99
--	--------------	--	--	--	--------------

4.Pregled prihoda i rashoda

		Izveštajni period (od 01.01.2024. do kraja izveštajnog perioda)
1. PRIHODI (ukupno)		106.079.280
Od	Prihodi od domicilnog ZZO	90.563.192
čega:	Prihodi od drugih ZZO u FBiH, BD i RS	1.119.038
	Prihodi od FZZOIR	3.462.288
	Prihodi od participacije	0
	Prihodi od Proračuna osnivača	3.000.000
	Prihodi od direktnih plaćanja pravnih i fizičkih lica	652.862
	Ostali prihodi	7.281.900
2. RASHODI (ukupno)		103.747.033
	Bruto plaće	56.210.936
	Naknade plaća	12.095.478
	Lijekovi	6.486.236
	Potrošni materijal	7.287.811
	Režijski troškovi	1.558.939
	Amortizacija	3.951.229

	Ostali troškovi i rashodi	16.156.404
	FINANSIJSKI REZULTAT (1-2)	2.332.248

U periodu od 01.01.2024.- 31.12.2024. godine JU Kantonalna bolnica Zenica ostvarila je pozitivan poslovni rezultat u iznosu od 2.332.248,00 KM. Iz tabele 4. Pregled prihoda i rashoda uočava se da su ukupni prihodi u izvještajnom periodu ostvareni u iznosu od 106.079.280,00 KM, dok su ukupni rashodi ostvareni u iznosu od 103.747.033,00 KM.

U tabeli 4. uočava se da najveće učešće u ostvarenim prihodima ima prihod od domicilnog ZZO u iznosu od 90.563.192,00 KM. Potpisivanjem ugovora o međusobnim odnosima u pružanju zdravstvene zaštite za period 01.01-31.12.2024. godine osigurano je povećanje prihoda od Zavoda zdravstvenog osiguranja ZDK za 2024. godinu. Najveće učešće u strukturi ovog prihoda ima prihod od paušala koji je u izvještajnom periodu ostvaren u iznosu od 81.857.123,00 KM. Uočava se povećanje ovog prihoda u odnosu na isti period 2023. godine u iznosu od 8.330.757 KM.

U Budžetu Zeničko-dobojskog kantona za 2024. godinu planirana su sredstva za pokriće dijela troškova tekućeg održavanja u iznosu od 1.500.000,00 KM, sufinansiranje dijela troškova plata specijalizanata i subspecijalizanata u iznosu od 3.000.000,00 KM i finansiranja nabavke stalnih sredstava u iznosu od 3.418.706,99 KM.

U izvještajnom periodu knjigovodstveno iskazani prihodi iz Budžeta Zeničko-dobojskog kantona iznose 4.490.367,00 KM, a odnose se na sufinansiranje dijela troškova plata specijalizanata i subspecijalizanata u iznosu 3.000.000,00 KM i tekuće održavanje 1.490.367,00 KM. Ukupno doznačena sredstva iz Budžeta Zeničko-dobojskog kantona u izvještajnom periodu iznose 4.136.098,00 KM.

U strukturi rashoda dominiraju troškovi plata i naknada plata u ukupnom iznosu od 68.306.414,00 KM.

U strukturi rashoda u okviru ostalih troškova i rashoda iskazani su troškovi naknade za topli obrok u periodu 01.01.-31.12.2024. godine u iznosu od 4.426.222,00, troškovi održavanja opreme u iznosu 2.002.852,00 KM, troškovi na ime pomoći radnicima po Odluci Vlade FBiH u iznosu od 1.825.250,00 KM, te troškovi uglja za proizvodnju toplotne energije za zagrijavanje prostorija u iznosu od 1.297.579,00 KM, dok su u iznosu 25.888.716,00 KM iskazani ostali troškovi manje pojedinačne vrijednosti.

Prilozi:

- Potvrde o plaćanju obaveza i izvještajnom periodu
- Obavještenja o nabavkama pokrenutim u izvještajnom periodu

Izvještaj sačinili:

1. Muamer Avdić, pomoćnik direktora za ekonomsko-finansijske poslove:

2. Rasim Iriškić, pomoćnik direktora za medicinske poslove:

3. Selma Kahvedžić, pomoćnik direktora za pravne poslove:

Direktor:

Broj protokola: _____

Dr Tarik Zulović